



Na osnovu člana 24. Statuta općine Gradačac („Službeni glasnik općine Gradačac“, broj:4/08 i 5/12) i člana 34. Zakona o cestovnom prijevozu na području Tuzlanskog kantona („Službene novine TK“, broj:15/11), Općinsko vijeće općine Gradačac, na _____ sjednici održanoj dana _____ 2015. godine,

d o n o s i

ODLUKU
o visini naknade za korištenje taksi stajališta na dijelovima javne površine
na području općine Gradačac za 2015.godinu

Član 1.

Ovom Odlukom utvrđuje se visina naknade za korištenje/zauzimanje dijela javne površine na području općine Gradačac, za taksi stajališta u 2015.godini, po zonama utvrđenim odredbama Odluke o građevinskom zemljištu.

Član 2.

Taksi prijevoz putnika mogu obavljati pravna lica upisana u sudski registar za obavljanje taksi djelatnosti.

Taksi prijevoz putnika mogu obavljati i fizička lica koja posjeduju rješenje za obavljanje taksi djelatnosti izdato od nadležne općinske Službe.

Član 3.

Usaglašenim Planom za razmještaj taksi stajališta sa brojem taksi vozila po taksi stajalištu za 2015. godinu na području općine Gradačac, utvrđena je ukupna korisna površina od 10,50 m² po jednom taksi stajalištu.

Visina naknade za korištenje taksi stajališta po 1 m² plaća se u mjesečnom iznosu, po zonama gradskog građevinskog zemljišta :

- taksi stajalište 01. „Autobuska stanica“, zona II2,00 KM
- taksi stajalište 02. „Gradska kafana“, zona I.....2,50 KM
- taksi stajalište 03. „Majevička“, zona II2,00 KM
- taksi stajalište 04. „Dom zdravlja“, zona II 2,00 KM.

Član 4.

Naknada za taksi stajalište iz člana 3. ove Odluke plaća se za svaki mjesec unaprijed, a najdalje do petog (5) u tekućem mjesecu .

Visina naknade iz predhodnog stava utvrđuje se Rješenjem o taksi stajalištu Općinske službe za urbanizam i komunalne poslove-Odsjek komunalnih poslova.

U slučaju da korisnik neuredno izmiruje svoju obavezu plaćanja naknade iz stava 1. ovog člana, tako da duguje više od tri mjesečna iznosa, odobrenje za korištenje taksi stajališta će se poništiti.

Član 5.

Korisnik taksi stajališta ne može ustupat drugom mjesto bez predhodnog odobrenja nadležne općinske službe.

Član 6.

Prikupljena sredstva od naknada za dodijeljena taksi stajališta općina je dužna namjenski koristiti za izgradnju novih, uređenje i održavanje postojećih taksi stajališta, odnosno za unapređenje taksi djelatnosti.

Član 7.

Ova Odluka stupa na snagu danom objavljivanja u „Službenom glasniku Općine Gradačac“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC

- Općinsko vijeće -

Broj: _____
Gradačac, _____ 2015. godine

PREDSJEDAVAJUĆI
OPĆINSKOG VIJEĆA

Šakić Enir, s.r.

O B R A Z L O Ź E N J E
**prijedloga Odluke o visini naknade za korištenje taksi stajališta na dijelovima javne površine
na području općine Gradačac za 2015.godinu**

Članom 34. Zakona o cestovnom prijevozu na području Tuzlanskog kantona („Službene novine TK“, broj:15/11) određeno je da se taksi prijevoz organizuje po općinama zavisno o prijevoznim potrebama i planskom razvoju općina i kantona na sljedeći način:

- a) razmiještanjem taksistajališta po općinama,
- b) utvrđivanjem broja vozila na taksi stajalištima.

Odredbom člana 36. istog zakona, određeno je da nadležni općinski organ ne može izdati rješenje o taksi stajalištu, a da predhodno nije pribavio saglasnost Ministarstva trgovine, turizma i saobraćaja TK na Plan razmještaja taksi stajališta za tekuću godinu.

Usaglašenim Planom za razmještaj taksi stajališta sa brojem taksi vozila po taksi stajalištu za 2015. godinu na području općine Gradačac, utvrđena je ukupna korisna površina od 10,50 m² po jednom taksi stajalištu(ukupno 15 taksi stajališta, u I i II zoni gradskog građevinskog).

Imajući u vidu gore navedeno, kao i to da su taksi stajališta javne površine za čije zauzimanje/ korištenje se plaća naknada, urađen je prijedlog odluke u datom tekstu.

OBRADIVAČ
Općinska služba za urbanizam,
investicije i komunalne poslove

PREDLAGAČ
Općinski načelnik